

DUŽNOSTI PREMA KOMŠIJI

حق الجار

Ko se smatra komšijom?

Svako čija je kuća (stan) blizu naše kuće, smatra se komšijom. Tako su stanovnici u stambenoj zgradi komšije, a i stanovnici jedne ulice, također su komšije. Međutim, naše dužnosti su veće prema onome čija je kuća bliža našoj.

Šta smo dužni naspram komšije?

Prema komšiji smo dužni:

1. Da ne uznemiravamo komšiju, i to tako:

- što nećemo dizati galamu i buku i igrati se ispred njegove kuće (stana);
- nećemo uništavati njegov imetak niti nanositi štetu, bilo da se radi o kući, staklima (prozorima i slično);
- nećemo uznemiravati komšijinu djecu, niti ih tući, niti ćemo ih izazivati igračkama i poklonima, a naročito ako su siromašni.

2. Činit ćemo dobro komšiji tako što ćemo:

- posjećivati ga u njegovoj kući i pozivati da nas posjeti;
- davat ćemo mu poklone, hranu, i drugo što može da se pokloni;
- učestvovat ćemo u njegovoj radosti i pomagati mu u tuzi;
- posjećivat ćemo porodicu svoga komšije i biti im na usluzi u slučaju da njihov otac nije prisutan;
- ako se razboli komšijin sin, koji je služio roditelje, ja ću ga posjetiti i ponuditi se da uradim ono što je on radio (otići u trgovinu, na primjer).

3. Štitit ćemo komšiju od nasrtaja na njega tako:

- što nećemo nikome dozvoliti da nasrne na njega, njegovu djecu, imetak, kuću, auto, te nećemo dozvoliti ničijem hajvanu (životinji) da uđe u njivu našega komšije;
- pružit ćemo mu našu podršku i pomoć bez odlaganja, ako to od nas zatraži.